



21819

III

Mag. St. Dr.

P


*Lukini Joannis Antonii Victimae paren-*  
*tales —*

PANEG. et VITAE

Polon. Fol.

Nº 852.







V I C T I M Æ

P A R E N T A L E S

Ad Annum Sacerdotij Quinquagesimum,

*Perillustris olim & Reverendissimi Domini,*

D. VLADISLAI

DE MINSKO

O P A C K I

SACRÆ THEOLOGIAE & V. IVRIS DO-

CTORIS, ECCLESIAE CATHEDRALIS CRACO-

VIENSIS ARCHIDIACONI Koscielecensis Curati,

S. R. M. Secretarij.

Ipso die Obitus, nempe Cōmemorationis Fidelium Defunctorum,

C E L E B R A T Æ.

*Et dum*

Meritissimo ejus Nomini

In Ecclesia Cathedrali Cracoviensi

justa Funebria

Magno omnium dolore, persolverentur;

*P E R*

M. IOANNEM ANTONIVM LUKINI,

Philosoph: Doct: & Professorē, Contubernij Geloniani Seniore,

Ad perennem tanti Viri memoriam,

*lugubri calamo*

R E N O V A T Æ.

Anno Salutis humanæ, 1702. die VI Mensis Novembris.

\*\*\*\*\*

CRACOVIAE Typis NICOLAI ALEXANDRI SCHEDEL S. R. M. Typogr:

22. 8. 19. III.





# VICTIMÆ PARENTALES.

**C**onditionis humanæ ea est vicissitudo;  
ut omnes, quos Amica vitæ Cælo spectante  
protulit Lucina,

iusto DEI Præpotentis effato:

*Semel mori statutum hominibus;*

cedant semper in victimas morti.

Etenim alternat natura vices,

hinc rerum charissima Parens, illinc dira Noverca!

Orientem manè veneratur Solem, & ante crepusculum  
tristem ejus despicit occasum.

Perfectam in auge splendoris Lunam, sereno adorat vultu;  
& mox decrescendentem aspernatur Præsidem noctis.

Non aliter *Remus cum fratre Quirino*

felix quidem Romanæ Conditor Urbis;

sed simul infaustus perennaturi nominis everfor:

*quia fraterno primi maduere sanguine muri.*

Vnde labile Vitæ humanæ tempus,

alternò miseros terrigenas miscet lusu,

inter spiramenta animæ, mortales vivere sinens.

Ita sanè!

Omnia volvuntur & revolvuntur, instar præcipitis pilæ,  
Vesper vespere truditur, diesq; funesto terminatur occasu.

Veloces anni nubibus insident

ac incertis equitant lustra Favonijs.

Cum



Cuncti denique fatorum rabidâ ludimur orbitâ,  
quorum cæco agitati impetu,  
eheu miserè eludimur!

Vexamur quotidie Parcis minimè parcentibus,  
Tragicæ non dubij Actores Scenæ,  
in ipso Vitæ mortalis exordio,  
Parentalem sævæ Iunoni litaturi victimam.

Sed quid mirum?

unus inquam nascendi modus,  
mille lethi inevitabilis terminatur victimis.

Similis auræ vitalis ortus,  
dissimilem mortalitatis vendicat censum.

Hinc lege naturæ solutus,

feliciter reddidit pensum Æternitati,

ad Annum Presbyteratus Quinquagesimum,

*Perillustis olim & Reverendissimus Dominus*

**D. ULADISLAUS**

DE MINSKO

**O P A C K I,**

S. Th: & V. I. Doctor, Ecclesiæ Cathedralis Cra-  
coviensis Archidiaconus, Koscielecensis Curatus,

felicior inde: quia secundas in Ecclesia Triumphante,  
celebraturus Primitias.

Nimirum cessit fatis in Victimam,

gratior post funera consurgens hostia Cælo.

Desijt vivere pervigil Militantis Ecclesiæ Argus,

Augustorum in Vita operum Dædalus ipse & Praxiteles,  
æternum mansurus in ævum.

Equidem probavit

A.

Archi-



Architectam Nominis Coronati famam,  
*a Serenissimo & Inviolissimo*

**V L A D I S L A O IV.**

Poloniarum REGE Potentissimo,

uti ad Fontem, in quo renascimur omnes, Patrino derivatam,  
tum rectefactorum conscientiam;

Virtutum Lydius lapis, eruditorum Corona Virorum,

*Illustrissimus olim & Reverendissimus*

**ANDREAS TRZEBICKI**  
**EPISCOPVS CRACOVENSIS,**

**D V X S E V E R I Æ,**

qui parem oneri Archidiaconatûs Sandecensis  
adinvenit Atlantem.

Et iam verus in Vinea CHRISTI Athleta,

non Cenforinum supercilio Catonem;

sed Patrem Patriæ agens,

errantes a tramite Veri, leniter in Viam Salutis  
reducebat oves;

ut unius Pastoris, unum exstat Ovile.

Nec minor in Exedris Ecclesiasticis Encomiastes,

toties pro Gloria DEI Orator,

quoties Apostolicam animis audientium litabat

salubrioris doctrinæ Victimam,

in solo Ultimi Finis & proximi amore fundatam:

**O felix Pastor! Duxq; Christiani gregis!**

Saluberrimam instructionem ipso complevit opere;

Apostolicam doctrinam factis consignando.

Profecto addidit Splendorem meritis

**Ecclesia Koscielicensis**

a primis fundamentis erecta,

quam



quam dùm ligneam accepisset;

magnifica dote

Pastor Vigilantissimus

marmoream reliquit.

Hâc laboris in dies protervi allectus constantiâ,

cinxit Fascia Gentilitiam Crucem,

Viri in Ecclesia DEI Meritissimi,

*Illustrissimus olim & Reverendissimus*

IOANNES MALACHOWSKI,  
EPISCOPVS CRACOVIENSIS

D V X S E V E R I Æ,

illamq; protinùs Aureo Coronarum adiunxit Ternioni;

ut CRVX, ulteriorum Symbolum laborum,

supra Vavelli fastigium emereret.

Factus tandem CANONICVS CRACOVIENSIS,  
PURPURATI SENACULI, PERAUGUSTI CAPITULI,  
Augusta Victima,

non in excelfo Vavelli vertice,

metam innatæ virtutis statuit;

sed plùs ultra progressus ad Fontes Sapientiæ Castalios.

Noverat quondam Scipionem Carthago,  
Achillem Ilium;

approbavit tum temporis Magni Regis Filia, Regum Mater,

Vniversitas Cracoviensis,

dignissimum Theologico fastigio Doctorem,

& Virum Sapientiâ perfectâ immortalem.

Quidni?

Cælestis hæc Vitæ beatioris Magistra,

Omnipotentis pars maxima DEI,

Afsistrix & Vicaria Sedium æternarum,



# Sacra Theologia,

feliciores pro hoc Staru Icaros,  
pennis elevatæ mentis, ad summi tecta Tonantis evehit,  
iam mortales, in semideos transformando.

O dulce afflictæ mortalitatis Solamen!

O unicum mentium humanarum delictum!

O instabilis præsidium columenq; mundi!

immortalis Sapientiæ Cælestis cognitio,

quæ diviniore afflata enthusiasmo,

non vano Promethei commento,

miscet Dijs homines!

Itaq; applausu publico & Solenni Pompa,

Cælestis in terris Sacræ Theologiæ proclamatus Doctor,

tantò ab omnibus illustrior videbatur,

quantò magis Divinæ Scientiæ, iungebatur Astræa Virgo.

Hinc meritò

consignavit in Vrbe Orbis Principe Vtraq; Signatura

Virtutes eximias Viri doctissimi,

figillavit annulo Piscatoris,

devotum Sacræ Themidi pectus,

Romana Sapientia.

Dein Coronato Vertici,

Lauream adiecit Theologicam

Gracia Pallas.

Vidit integerrimum Canonice Veritatis Observatorem,

in Sacris Roma Consistorijs,

audivit disputantem publicè ad stuporem adstantium

Metropolis Gracia.

Paucos Orbis adoavit Alcidas,

monstra vitiorum Lernæa triumphantes,

Tibi Vir doctissime



assidui ex hoste ignorantia,  
tam in exoticis quàm Patrijs laribus triumphii.  
Sed quàm pulchra gradatione,  
à castris sanctioris Minervæ,  
ad pacifica Exercituum Domini processerit Castra,  
nemini paradoxum fit.

Scilicet cum ibi sine cæde, sine sanguine,  
Bellator extiterit gloriosus;  
hîc ad Aram incruenti Sacrificij,  
gratissimam victimam seipsum DEO obtulit.

Iam ergo non in castris Marij aut Syllæ;  
verùm Regis Regū & Domini dominatium militās,  
quanta Virtute meruerit stipendia,  
secunda in Ecclesia DEI,  
Archidiaconatûs Cracoviensis testatur dignitas,  
quem, Confratrum unanime votum,

admovit tam excelso fastigio:  
nam pares tanto oneri conspexit lacertos.  
Alijs respectus & nobilitas generis aptat gradum,  
quo ad Sacram Fortunæ Aram ascendere volunt.  
Illi in comitatu Meritorum,  
auxiliabatur integritas morum, vivax agendi dexteritas,  
expedita prudentiæ vis, labor fatigari nescius,  
mensq; ex literis culta quidem & elegans;  
sed mascula simul, potens sui,  
nec redundans ad pompam.

Sic omnes,  
Illum velut pretiosum Coronarum suarū Vnionem  
in Sacrario ac penetralibus cordium fovebant.  
Singuli tanquam effigiem boni Viri,  
exemplarq; virtutum aut imitati, aut mirati.  
Cuncti deniq; ac si columbam felle carentem, amplexi.



Humilis Viri sapientis de seipso sensus,  
stupenda mansuetudo, comitas,  
exemplaris vivendi norma,  
quadam magnetica vi, omnium corda ad se trahebat.

Summis quibusvis negotiis tractandis ex asse par,  
sub nulla ingruentium rerum mole fatiscebat.

Romanis & Dioecesanis Commissionibus,  
ad Causas magnæ importatæ, dat<sup>9</sup> Arbiter & Iudex,  
æquitatem publicè exploratam reliquit,  
sapiens in observandis Canonibus Areopagita.

Iam prætereo,  
rigorofum quò ad Sacros Ordines capeffendos examen?

Omitto serias in revidendis Paræciis Visitationes?  
loquantur fusè incomparabilem sapientiam & Zelum,

Viri æternâ memoriâ digni,

correctiva Decreta.

En profectò satisfecit Personæ,

quam à tribus circiter lustris gloriosè egit.

Satisfecit mensuræ nominis & virtutis,

quam laboriosè implevit.

Satisfecit gloriæ,

pro qua totâ vitâ strenuè laboravit.

Triumphet ergo in animis omnium,

factis & meritis,

etiam post fata superstes.

Sed quomodo?

nonne prostratus cefsit in prædam sævæ Frynni?

nonne victus, fatum effugit ineluctabile?

ah ferales Novembris ferias,

& temerarium Martis rabidi ausum!

qui tanta annorum serie,

indefessum Ecclesiæ DEI Atlantem,



in sepulchrales iniecit Vmbras !  
ah infaustum Plenilunium !  
pleno dolore & amaro myrrhæ fasciculo pectora replens,  
fel & absynthium ori nostro propinans.

Attamen

siste gradum gemebunda penna !  
non succumbit languida manus ferali Victimæ,  
etiāsi decedentis vigor ætatis, tempori succumbat,  
quia nihil tempori debet,  
quod æternitatis vasta cogitatio vegetat.

Tremula senibus dextera inest,  
sed non animi virtus;  
stat hæc pro sanguine, quæ de sanguine Cælitum venit,  
& quò minus spirituum vitalium habet,  
eò vivacius cum ijs spirat,  
qui supra vires naturæ surrexere.

Ita est:

*non moritur, qui totā vitā bene mori discit;  
nec terret sapientem mors, etiāsi moritur, vivit,*

Victima viva esto,

ante Tribunal Viventis in sæcula DEI,  
Magne, cui parentamus & Doctor & Sacerdos,  
*Perillustis olim & Reverendissime Domine,*

**D. VLADISLAE**

DE MINSKO

**O P A C K I,**  
ARCHIDIAcone CRACOVENSIS, &c.

Charissime etiam post fata Avuncule,

non degeneri sapientiā, pietate, modestiā,

Zelo religionis, amore boni publici,

C

Sora



Sororino unicè dilecto

*Illustrissimo & Reverendissimo Domino,*

D. C A S I M I R O

à L V B N A

L V B I E N S K I,

EPISCOPO HERACLEENSI, NOMINA-

TO CHELMENSI, SVFFRAGANEO, CANONICO,

Sede Vacante, Episcopatus Cracoviensis

ac Ducatus Severiensis

GENERALI ADMINISTRATORI,

ut Pastorale Pedum,

quo nunc Diœcesim Cracoviensem

feliciter gubernat,

pro Atlanticis in Ecclesia DEI laboribus,

Sede plena assurgat.

Et dum ultimum à tumulo

Tibi Magne Antistes

ingeminat Vale:

pares ad Altare DEI, pro peccatis animæ,

expostulat gratitudinis hostias.

Ad tantum victuræ gloriæ & famæ compendium,

assurgunt Amplissima Illustrissimarum Familiarum Decora

vinculis Aviti Sangvinis

arctissimè conjuncta.

EXCELLENTISSIMA DOMVS

MARCHIONIS GONZAGÆ

M Y S Z K O W S C I I,

quam

DEVS



DEVS Ter Optimus Maximus

æternum conservet,

in Republica Polona,

amplissimis cumulandam honoribus.

Ferunt perennaturæ memoriæ vectigales census,

ad sepulchrale Marmor,

summis pares titulis,

Geminæ Prosapix

DEMBINSCIORVM

&

DABSCIORVM,

pro candore intaminati affectus,

in Sede Beatorum,

Æternam precantes sine fine

Requiem.

Vobis tandem

Patres Vavelliani Capitolij Conscripti,

Illustrissimi Perillustres & Reverendissimi Domini

Peraugusti Capituli Cracoviensis

Præsides Dignissimi,

Quos,

sicut arctior amicitia coniunxerat Viventi;

ita magis dolor acerbus,

lancinat penetralia cordis:

pro ultimo obsequio,

immortales Supremo Tonanti,

dans manibus plenis Victimæ;

quatenus

C2

Ter-



Ternio Coronarum Aurearum,

in perpetuas fulgeat æternitates.

Post hæc

ad funestum Prælati tumulum,

accedit Mœstus Dioecesis Suxæ Clerus,

veniunt cum fletu & lachrymis

ad Patronum Clientes,

properant mærore affecti

egeni ad Patrem,

devotis incessanter fatigantes suspiriis

Majestatem Divinam;

ut hic,

qui in conspectu Omnipotentis DEI,

iuxta tenorem præconcepti stante vita elogij:

*Cinis, pulvis, & nihil;*

fit Ipsius

in Regione Vivorum,


V I C T I M A

post fata


IMMORTALIS.







Biblioteka Jagiellońska



stdr0021938



